



# **Universitätsbibliothek Paderborn**

**Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 430. de Brunonis traditione bonorum in villa Hambanhus in pago Nithega pro Rethario, episcopo Paderbornensi, nec non de origine modo dicti episcopi, ac de decimis Paderbornensis episcopi in ...

**urn:nbn:de:hbz:466:1-36114**

Ab anno  
1001 usque 1010  
imperante Otto-  
ne III.

## §. 429.

Tradidit rainbaldus X mansos in *badualdum* (p) pro thiadmaro proximo suo et pro coniuge sua heteluif.

## §. 430.

Tradidit brun pro rethario epo I familiam in *hambanhus* (q) et quid ibi habuit.

## §. 431.

*dam*, qui in eadem villa quedam largitus est, verisimilime posteris *Luidolfi ducis* esse adnumerandum. Ipsum fuisse *Hiddi*, qui, mortuo *Brunone* comite Brunsvicensi, aduocatus erat Corbeiensis, auctaeter quidem pronunciare non audemus; confidimus tamen, neminem facile esse negaturum, nomen *Hiddi*, *Haddi* et *Hoda* esse unum idemque, ut iam supra vidimus. Cum vero *Bruno*, pater aduocati Corbeiensis *Hiddi*, hoc tempore adhuc in viuis fuerit, fortassis nosfer *Hoda* ipsius *Brunonis* comitis frater fuit. Sic autem *Hiddi* aduocatus Corbeiensis a patruo suo nomen suum accepisset. An *Hoda* nostri vxor *Benike* propter bona in pago *Huetigo* possessa exorta censenda sit e stirpe *Widikindea*, id in medio relinquimus.

De villa  
Badval-  
dun in  
pago  
Fleithi.

(p) Villam *Badualdum* tribuit abbas Saracho *pago Fleithi*, quem in aliqua parte Hildesheimensis episcopatus ac ducatus Brunsvicensis extitisse, iam supra intelleximus. An designetur vicus *Barveld* in praefectura Gronau in episcopatu Hildesheimensi, non procul a vico *Beitlen*, statuere nondum audemus, siquidem eo usque pagus *Fleithi* haud procurrit. Villa haec *Berevelte* erat anno 1022 in pago *Valethungun* seu *Falhen* sita, testante diplomate S. Bernwardi episcopi Hildesheimensis, per quam si denotatus intelligatur vicus *Barveld* in praefectura Gronau situs, *Borsfeld* in Principatu *Wolferbuttelensi* sub ephoria ecclesiastica *Thideni* villa *Badualdum* vicus *Barveld* esse non potest, sed illa potius inter desolatas villas videretur recensenda, cuius situs nobis nondum est cognitus. Res erit plana et perspicua, si e documentis monasterii S. Michaelis in Hildesheim eruditio demonstrant, utrum id monasterium bona possideat vel possederit in *Barveld*, an vero in *Borsfeld*. Quomodounque autem res sese habeat, putamus tamen, *Rainbaldum* verisimilime ad progenitores Northeimensem comitum referendum videri, et fortasse eundem fuisse, quem deprehendimus supra (§. 405). Si quid coniectando valemus, parum absit quin arbitremur, subesse locum *Bodenburg*, a castello post haec dictum, antea adpellatum *Bodfelden*. Locum a *Bodone* fuisse cultum et extructum, utrobique est verum.

De villa  
Hambar-  
hus in  
pago  
*Nithega*.

(q) Villa *Hambarbus* erat, teste Sarachone, sita in pago *Nithega*. Intelligimus ergo, designari vicum *Hampensen*, in episcopatu *Paderbornensi* inter vicos *Rheer*, *Brakel*, *Erklen*, *Heinholte* et *Fronhulen* reperiendum. E situ huius villa estimare licet, *Brunonem*, qui in eadem villa bona quedam largitus est, ad stemma *Brunonianum* pertinuisse. Supra enim vidimus, posteros *Brunonis*, *Angariorum* ducis, et in primis posteros *Luidolfi*, *Saxonie* ducis, in eadem regione bona hereditaria possedisse. Qui ergo *Bruno*, qui in villa *Hambarbus* bona quedam tradidit, alias esse poterit, quam *Bruno* comes, aduocatus Corbeiensis et filius *Eberti* monoculi? Patet id evidenter Chronicus nostro MSpro et coetaneo, in quo haec verba leguntur: anno M VIII pridie non. Martii obiit retharius patburbrunnensis epus. cantauimus ei requiem, petente ita brunone aduocato nostro et cognato suo. Haec verba si attente consideramus, ad credendum inducimur, 1) *Retbarium* episcopum, in traditione nostra occurrentem, fuisse ipsum *Paderbornensem*, qui, teste auctore *Vite Meinwerci* Tom. I. Leibn. p. 522, eodem anno et die eductus est de ergastulo carnis et de valle huius miseria et tribulationis, assumptus, ut credimus, ad gaudium sempiterne consolationis;

2) *Retb-*

2) *Retharium* fuisse cognatum *Brunonis*, aduocati Corbeiensis. Hæc itaque co- et gubernatio procul dubio *Brunoni* nostro animum addiderat, vt pro remedio animæ <sup>nante</sup> Retharii episcopi quadam traderet, et a Corbeiensibus nostris peteret, vt missa-  
rum commemoratione animam eius diuinæ misericordia commendarent. Cum <sup>iam</sup> Hosedo.  
vero Corbeienses nostri non expresserint gradum cognitionis, quo *Retharius* episcopus cum *Brunone* nostro coniunctus fuit; coniecluræ probabiles in medium sunt acescenda. Cognati et agnati differunt in eo, vt agnati dicantur, qui per virilis sexus personas cognitione iuncti sunt. Hi vulgo appellantur die *Schwertmagen*, habentque idem gentilitatis nomen eademeque imagines, qui vero per feminæ sexus personas iunguntur adfinitate, agnati non sunt, sed dicuntur cognati, vocanturque vulgo die *Spilmagen*. Ita sororis meæ filia cognata mea est, quod ipsi mihi per feminam scilicet sororem meam coniungitur. Sic filius amitæ meæ cognatus meus est. Quamuis enim amita, qua soror patris mei, sit mea agnata, eius tamen filius cognatus meus est, quia per matrem suam, feminam, mihi coniungitur. Illi ad successionem feudorum admittuntur, hi autem legibus a successione feudorum excluduntur, nisi speciatim fuerit dictum, ad vitroque feudum esse spectaturum. Per feminam ergo quandam *Retharium* episcopum coniunctum fuisse cum *Brunone* aduocato, nullum est dubium. Si patris *Brunoni*, id est, *Ecberti* monoculi vxor fuit e stirpe Sommerschenburgica et Walbeccensi, vti (§. 427) probabili conjectura statuimus, per matrem *Brunonis* eadem cognatio orta non videtur. Nullum enim *Retharium* vel *Rotardum* in tota genealogia Sommerschenburgica, quæ §. 188. adlata est, deprehendimus. Quodsi altius vellemus ascendere, autis *Brunonis* nostri fuisset *Frederuna*, reginæ *Mathildæ* soror e stirpe Widikindea originem ducens. Quamuis aurem in Widikindea gente nomen *Rotardi* inueniamus; videntur tamen nobis haec nimis longe perita. Ipsa ergo *Brunonis* vxor prima, quæ erat *Gisla de Werla*, refugio nobis erit, quæ, si filia *Thangmari* fuit, vti nobis probabilissimum videtur, ipsa habebat propatrum nomine *Rotardum*. Sit ergo *Retharius*, episcopus Paderbornensis, filius *Hoianis III.*, et frater *Bunichonis V.*, ac *Thangmari II.* Tali enim modo *Retharius* *Gisla de Werla* patruus fuit. Per feminam ergo *Gisla* *Retharius* episcopus cum comite *Brunone* fuit cognitione coniunctus, videturque ille episcopus nomen accepisse a patruo suo, possentque ad progenitores eiusdem *Retharii* episcopi referri comites *Reithard* et *Rotardus*, quorum ille anno 889 comes fuit in pago *Huetango*, hic vero anno 940. in pago *Auga* comitatu præsedidit, vti diplomata testantur, quæ supra §. 104. not. (u) et §. 167. adduximus. Neque rationem inuenire possumus, cur sit insciandum, nomen *Retharii*, *Rethardi*, *Redharii* et *Rotharii* esse vnum idemque, cum *Nic. Schatenius* in *Annal. Paderborn.* T. I. p. 327. affirmet, episcopum nostrum modo appellari *Retharium*, modo *Rotardum*, modo *Redbarium*, modo *Rotbarium* et modo *Ratarium*. De ipso *Rethario* episcopo multa dicere possemus, si id instituti nostri ratio permitteret. Intermittere autem nequimus, quin vnum tantum proferamus, quod ad scopum nostrum videtur pertinere. Produxerunt enim illustrissimus *Ferdinandus*, episcopus Paderbornensis, in *Monumentis Paderborn.* p. m. 211. seqq. et *Nicol. Schatenius* *Annal. Paderb.* T. I. p. 355. seq. et p. 366 seq. duo diplomata, in quibus *Rethario* episcopo Paderbornensi priuilegia confirmasse cœfates Ottonom atque Heinricum afferunt, quorumque vnum, quamvis ambo sint ficta, pace, lector, tua heic inserere volumus, vt de illo eo re-  
ctius iudicare possis:

In nomine sanctæ et individuæ trinitatis. Otto superna favente clementia Romanorum Imperator Augustus. Si locum divino cultui mancipatum igneque subitaneo cum ornati et corroborationum paginis concrematum restaurare, ornare et iterum sublimare videbimus. scimus et certi sumus id non solum laude humana prædicandum, verum etiam divina mercede remunerandum. Cunctis igitur Ecclesiæ Dei fidelibus nostrisque astantibus et succedentibus compertum fore volamus. quod de incendio Paterbrunnensis Ecclesiæ nimium condolentes, præcepta antecessorum nostrorum et ea quæ nos ibidem obtulimus me-

Nnn n

moræ

Ab anno  
1001 usque  
1010 regnante  
Henrico II.

moratae sedi hac præceptali pagina renovamus iterumque confirmamus. de quibus unum est de Episcopatus statu. dehinc de tuitione atque mundiburdio eiusdem Ecclesiæ. et de omni proprietate ad eandem Ecclesiæ pertinenti. et de electione Episcoporum inter clericos eiusdem Ecclesiæ. et de eius hominibus tam liberis quam et servis nulla iudicaria persona constringendis nisi coram Advocato quem ipse Episcopus elegerit. Insuper renovamus et confirmamus iam habitæ sedi *comitatus super pagos Paterga, Aga, Treveresga, Auga, Soretfeld* dictos. pro decimis novæ Corbeia ad monasterium pertinentibus. et de proprietate clericorum si quis sine herede illorum obierit eidem Ecclesiæ concessa. et tribus manis in *Tuispurg* et in *Trutmannia*. et de Foresto quod incipi de *Dellina* flumine et tendit per *Ardennam* et *Sinede* usque in viam quæ dicit ad *Herisam*. Hæc igitur omnia quæ supra scripta habentur et quæ illa die tenere et possidere videbatur. quando combusta fuit. sèpe nominatae sedi Paterbrunnensi in ius proprietarium donamus. et firmissima traditione restauramus. Ea scilicet serie ut *Dunnum Reiharius* memoratæ sedis venerabilis Antistites omnesque sui successores univerfa quæ ad Episcopum aliqua legali datione pertinent securiter obtineant. nostra omniumque nostrorum successorum et omnium mortalium contradictione remota. et ut hæc renovatio et confirmatio stabilior cunctis permaneat temporibus. hanc paginam manu propria corroboravimus et sigilli nostri impressione insigniri præcepimus.

Signum Domni

Ottonis Cæsaris invictissimi.

Heribertus Cancellarius vice Willigisi archiepiscopi recognovit. Data kal. Jan. Anno Dominicæ Incarnationis MI. indict. XLIII. Anno tertii Ottonis regnantis XVI. Imperii VI. Aëtum Romæ feliciter Amen.

Harum litterarum quamvis iam meminerit auctoꝝ Vita Meinwerci p. 520, non tamen ex eo sequitur, eas easpropter esse genuinas, potius ex eo colligimus, illas sub initium seculi XII. vel circa finem seculi XI. fuisse fictas, ad palliandos errores quosdam, quos domini Paderbornenses in Historia sua commiserunt. Primum in hoc diplomate titulus imperatoris non recte se habet. Otto enim III. in genuinis diplomatis se non *superna favente Clementia Romanorum* imperatorem augustum scripsit, sed *divina*. Deinde dicuntur litteræ in vrbe *Roma* scriptræ, et tamen Heribertus cancellarius vice Willigisi archieancellarii eas recognouit. Falsarius nesciuit, *Heribertum atque Heinricum*, cancellarios Italicos, *archicancellarium* habuisse *Petrum episcopum de Camo*. Tum vero data est charta Kalendis Ianuarii an. MI. indict. XIV. anno regni Ottonis XVI et imperii VI. Kalendis autem Ianuarii an. MI. non erat indictio XIV. sed XIII. neque erat eo tempore annus regni Ottonis XVI. sed XVIII. Hunc perlucem errorem Scharenius agnovit. Propterea callide anno XVI annum XVIII substituit, *annum vero VI imperii* retinuit, qui tamen quintus esse debuisset. Ipsiſ res si porro expendimus, quæ in charta episcopo Paderbornensi conceduntur, quedam in ea ita comparata sunt, vt exâst illas corroborare non potuerit. Confirmat cæsar *electionem episcoporum*, quasi adtributam clericis ecclesie Paderbornensis. Sed quando clerici Paderbornenses electionem episcoporum habuerunt? Nonne, ipso fatente auctoꝝ Vita Meinwerci p. 522, clerici Paderbornenses mortuo *Rethario clementie solatum Heinrici regis de successore idoneo suppliciter implorarunt?* Nonne Heinricus rex Meinwercum episcopum in locum *Retharii* ex liberrimo arbitrio constituit? Et quid sibi volunt *comitatus super pagos Paterga, Aga, Treveresga, Auga et Soretfeld* dati pro decimis, ad monasterium nouæ Corbeia pertinentibus? Vbinam querendus est pagus *Aga*? Diversus ne Ahugo vel Ahagewe pagus fuit ab Auga pago? Nonne *Aga* locus

locus erat anno 1011 ad comitatum Haholdi spectans, testante diplomate regis et gubernante Heinrici in Nic. Schatenii *Annal. Paderborn.* T. I. p. 394? Vbinam exstitit pars nante<sup>nante</sup> gus *Treuerenga*, qui locus erat in comitatu Haholti, eodem diplomate teste? Corbe<sup>iam</sup> iam quando vñquam episcopus Paderbornensis comitatum super *Auga* pagum posse<sup>dictum</sup> possedit? Nonne hæc facta sunt ad palliandam episcopi Paderbornensis iurisdictionem super territorium Corbeiense? Bonum sane est, falsarium meminisse decimarum, ad monasterium Corbetense pertinentium. Eo enim prodidit scopum suum, qui erat posteritati glaucoma obuicere, eique persuadere, subfuisse Corbeienses iurisdictioni ecclesiastice episcopi Paderbornensis. Voluit enim, vt posteri ita inde colligerent: si decima, in territorio Corbeiensi obuia, spectarunt ad episcopum Paderbornensem, sequitur exinde, ad eiusdem episcopi iurisdictionem pertinuisse quoque ipsum territorium Corbeiense. Decimæ enim erant olim iuriis episcopalis indicia. Carolus Magnus concessit episcopis Saxonie decimas, in dieceesis ipsorum obuenientes. Sed falsa res erit, simulac confideramus, nunquam decimas in dieceesi Corbeiensi contributas fuisse Paderbornensi episcopo, sed eas iam antiquissimis temporibus tenuisse abbatie Corbeiensis potentissimos aduocatos. Litteras, quibus hæc dicta confirmantur, producemus in *Historia Corbeiensi*. Contrarium ostendi non poterit e charta facta, supra adducta. Porro in eadem charta *Retharius* episcopus appellatur *dominus*, iniuto seculi eiusdem more. Nullum enim genuinum diploma, hucusque editum, repertur, in quo cæsares episcopos nominarunt *dominos*. Eis quidem titulum *venerabilium* et *dilectorum*, non *dominorum*, tribuunt. Otto cæsar ipsum germanum suum Brunonem archiepiscopum nunquam appellavit dominum, multo minus ergo putandum est, ab Ottone III episcopum Paderbornensem adpellatum fuisse *dominum*. Et si denique litteræ et scriptura diplomatis adducti cum autographo concordant, stupidus sis oportet, qui non intelligat statim, chartam esse fictam. Eadem hæc dicenda sunt de altero diplomate regis Heinrici II, siquidem id ex Ottoniano procul dubio proculsum fuit. Eadem enim Ottoniana verba in eo repertuntur, excepto quod Egilbertus cancellarius vice Willigisi archicancellarii recognovit, (quod ex genuino diplomate additur,) et data esse dicitur charta IV nonas Aprilis anno dominicae incarnationis MIII indit. I. anno autem domini Heinrici reg. I. actum *Quidilingaburc*. In ea vero subscriptione auctor iterum se falsarium prodidit. Quarto enim cum die ante nonas Aprilis, id est, cum 2 die Aprilis anni 1003 inditio XV erat coniungenda. Ut autem in viam, a qua paululum digressi sumus, redeamus, pater ex ipsa traditione nostra, ac e Chronicō nostro MSpto, *Brunonem*, aduocatum Corbeiensem, anno 1006 nondum vitam cum morte communasse. Qui enim adhuc anno 1009 aliquid tradidit, anno 1006. nondum inter mortuos esse potuit. Diu autem post annum 1009 *Bruno* in viuis non fuit. Statuimus ergo supra §. 104. not. (n) *Brunonem* esse mortuum anno 1010, quo loco plura de *Brunone* diximus, quæ hic repeterem nolumus. Illud tantum iam addimus, dicta hæc admonere nos de mutanda configuratione annorum ad marginem adposita. Eodem enim anno, quo defunctus est *Bruno*, aduocatus Corbeiensis, obiit etiam *Hofed*, abbas Corbeiensis, Chronicō nostro Corbeiensi et coetaneo teste. *Hofed* autem abbati mortuo succedit *Walbo*, qui demum anno 1011 ordinatus est, eodem Chronicō testante. Hunc *Walbonem* variae fortunæ hominem, sed non inutilem abbatem, optimo iure dixit Antonius de Schnackenburg in *Annalibus Corbeiensibus* T. II. S. R. B. Leibn. p. 303. Quamvis enim monasterio nostro bene præfuerit, depositus ramen est ab dignitate sua, iubente cæsare Heinrico II, per Meinwercum episcopum Paderbornensem anno MXIV, Chronicō nostro MSpto teste. Meinwercus, Corbeiensis transiens, et recordatus B. Stephani protomartyris eius loci patroni, pro se suisque omnibus in memoriam eius hostiam salutarem Deo immolatus eo diuerterit. Missarum autem solemnia ibidem celebrandi causa Corbeiam non accessit, sed, ut ex post ea actis est concludendum, animus ei erat cenobii priuilegia et consuetudines, quas cæsares et summi pontifices ei dererant, mutandi, tentandique, annon Corbeia nostra, quæ exemptionis priuilegiis gaudebat et gaudet, ad iurisdictionem ecclesiasticam *Meinwerci* trahi posset, cui solemne erat, omni arte et modo amplificare ac ditare ecclesiam suam. Eius encomiafestes seu auctor *Vita* eius illud tacere non potuit Tom. I. S. R. B. Leibnitii p. 554. referens, a cæsare Heinrico Meinwercum, cui iam opima prædia multa dederat, curtem Ervete, statim in pago Westfalon, repetitis vocibus instando

N n n 2

expe-

Ab anno  
1001 vel  
que 1010  
regnante  
Heinri-  
co II.

expetiuisse, cæsarem autem diu multumque reluctantem tandem Meinwerci perseuerantia flexum coactumque curtem Ervere ei tradidisse, et eo ipso episcopum summo gaudio episcopum completerum exclamasse: *rex omnium sanctorum retribuat tibi*; Imperatorem autem auerso vulnu occulce submurmurasse: *tu odium Dei omniumque sanctorum eius habes, qui me bonis concessis cum detimento regni spoliare non cessas*. Quid ergo a tali episcopo aliud metui magis poterat, quam desiderium aliena experendi? Cum ergo postulareret Meinwercus, ut sibi ius concederetur, in ecclesia Corbeiensi missarum solemnis celebrandi, procul dubio abbas totusque conuentus Meinwerco dixerunt, postulata eius pugnare cum priuilegiis et bullatis litteris cælarum summorumque pontificum. In synodo enim Moguntina ad annum 888, et in bulla Papæ Iohannis XV ad annum 989, quorum autographa adhuc adseruantur in archivio Corbeiensi, solemniter esse fancitum nouimus, *vt nullus episcopus PATERBRVNENSIS vel in his que regiminis locum tenet, vel in ipsa congregatione vel in ipso canobio potestatem obtineat, neque ipsorum dominatione potiatur villa neque in clericis neque in famulis aut IN OMNIBVS, QVAECVNQVE AD MONASTERIVM IPSVM VIDENTVR HABERE POSSESSIONIS RESPECTVM*. Nam ipsius præfati monasterii abbati suisque successoribus licentiam dedisse papam iuxta altare sedendi populoque infra suum monasterium vel cellas verbū Dei predicandi ac docendi, ita, *vt nullus episcopus per se ad ipsum monasterium vel cellas eiusdem, vel economus eius, vel archipresbyter aut archidiaconus illius fiat qualibet ex eius agentibus persona potestatem habeat accedendi, nisi forte necessitatibus causa vel dilectionis gratia vocatus adiuererit, ne importunitate sui ministrorumque suorum inquietudine facis locis fiat molestia*. Dixerunt sine dubio porro in autographis bullatis litteris Benedicti VII, ad annum 990 datis, esse faneatum, *ut monasterium Corbeiense sub iurisdictione sancte sedis apostolicae constitutum nullius alterius ecclesie iurisdictionibus submittatur, summumque pontificem omnem cuiuslibet ecclesie sacerdotem in suo monasterio dictiōnem quamlibet habere et auctoritatem præter sedem apostolicam prohibuisse ita, ut nisi ab abbate monasterii fuerit mutatus, nec missarum ibidem solemnia quisquam presumat celebrare*.

Sed surdo narrabatur fabula. Quidquid monstri alebat, in lucem protrude-re Meinwercus malebar. Intravit ergo ecclesiam, diuinam rem peracturus et celebraturus. Missus itaque fuit ab abate *Walbone* Biso ecclesias cultos, a preparato altari accurrens adparatum deiecit, atque episcopo missarum solemnia interdixit. Ira itaque accensus episcopus monasterium intravit, conuocatisque monachis multum conquestus fuit de iniuria sibi illata, de violata reverentia, quam Corbeienses suis antisibus sacris deberent, de laeo honore, quem Corbeienses nostri ei relucentur et contradicerent, negarentque, monasterium suum in diœcesi confistere Paderbornensi, Meinwercus cathedram concendit, et multa ad populum pro re tempore locutus, omnibus, quid factum sit, exposuit, in primis autem Bifonem, quem iniuriam sibi fecisse credebat, ad satisfactionem sibi praestandam coram omnibus publice prouocauit. Cum vero is, iterum et tertium vocatus, non veniret, præcepit ei, ut quounque die ipse de corpore exiret, Bisum secum ad tribunal Christi, sibi responsurus de illata iniuria, migraret. Quibus dictis Meinwercus discessit.

Quid igitur mirum est, Meinwercum ira accensum et vindictæ cupidum imperatori persuasisse, *vt Walbone deposito, Drutmarus Corbeite præficeretur*? Peribuit Meinwercus apud cæsarem, se accessisse Corbeiam, ibidemque inuenisse collapsam cœnobii disciplinam, monachos deprehendisse regularem disciplinam perofos, atque in abbatem incidisse reformationi repugnantem. Omnes enim, qui de hac depositione abbatis nostri *Walbonis* scripserunt, *vt AuctoR Vita MEINWERCI* p. 543, *Annalista Saxon* p. 434, *Gobelitus Persona* p. 257. aliique dicunt, abbatem episcopo, monasterium reformatum studenti, *Retinisse*. Sed testimonium in promtu est *Ditmari episcopi Mersburgensis*, *vt antiquissimum*, ita et grauissimum. Hic Chron. p. 403 ita scriptis: *Rege manente lmmadesbien, illic Val Corbeiensis Abbas pius a cura suspensur deponitur et enus ex Larfemensi*.

semenſi (Laurisheimensi) monasterio Drachtmer ſine fratrum conſenſu predicatorum et gubernatetur. Quo ad ſedem ſuam in hac venienti bebedomada, omnis congregatio excepit IX flens abit, ut Luidulphus abbas predixit, et locum hunc pene vacuum non ſponte reliquit. In hoc testimonio abbas noſter appellatur pius, nullumque ei Hosedo. Et reuera ſtulte egiflet abbas, ſi contra priuilegia et mandata ſummorum pontificum tantas impune tuliflet Meinwerci inſolentias. Non neceſſitatis, non dilectionis gratia, non vocatus ab abbate veniebat Meinwercus. Cum ergo moleſtias turbalque crearet et faceret ecclieſa noſtræ, et veteres ecclieſtaſcas conſtitutiones violauit, coaetus Walho fecit id, quod fecit, iura et priuilegia ecclieſa ſua ſarta recta conſeruaturus. Omnes ſane actiones illæ Meinwerci reprehencionem incurruunt, cum celerint in Corbeie praieudicium, et aduersus libertatem immunitatemque monasterii Corbeienſis tentata fuerint, bullis quippe, praecipſus atque auctoritati ſummorum pontificum e diametro contrariae. Reuerentiam quidem prælatorum atque hospitum S. Benedictus monachis ſui inſtillat et infigit in regula c. 53. At de animo immorigerat. Præterea negabant Corbeienſes, ſe ſubditos fuſſe Meinwerco. Quis ergo iniuriam fecit? Quis aquam turbauit? Agnusne, an aliud? Bene noſter Adam Sproling cecinuit de noſtro Walhone.

Aurea libertas antiqua et carior auro  
ergo palladium hoc tute tuere tuum,  
Quorsum iura tibi, ſi non antiqua tuere,  
aſt inuerſum hodie ius tibi viſ fuerit.  
Interea ne cede malis, antiqua tuere,  
antiquum fas eſt obtinuisse ſuum.

In monasterio ad ſedem apostolicam citra vlliſ interuentum ſeu nullo medio et ſpecialiter pertinente, vti bullata littera autographa ſummorum pontificum habent, ſine ſpeciali pontificis licentia examen inſtruere, et naevos ordinaria auctoritate corrigeſe velle, ea omnino rupta libertatis atque arrogatione iurisdictionis indicia erant maniſta. Walbonem eſte depositum, et Drutmarum e cœnobio Laurisheimeni inciui inuitisque fratribus adſcitem, negari non potest. Sed quis nescit, optimum ius vi ſepiuſ obrui. Si Walho deponendus fuſſet, id fieri non debebat præter canonicum et regularem examinandi modum. Sapiente papa Iohannes XV in bullatis litteris ſupra excitatis: Quoniam vero multæ queruntur ab importunis hominibus malignitatis occaſione, ac neceſſe ſemper aduersa tela clypeo protectionis refellere, quod apostolica decreuit auctoritas, nos quoque approbamus, ut qui ordinati fuerint ad regimen monasterii Corbeienſis, nulla potestate præualente, deliciantur, niſi criminis cauſa fuerint deprehendi, cuius merito rectorum non debeat administrare officia, infamia vero maclulis ſeu criminis alicuius denotione ſi fuerint appetiti, non præter canonican et regularem dependant examinationem. Hæc in vſum traducta eſte inter deponendum Walbonem, nemo vider. Et fac, cauſam depositionis fuſſe legitimam, ipſis tamen fratribus Corbeienſibus libera eſte debuſſer electio. Hludouicus eæſar anno 823, Hludouicus rex anno 854, papa Adrianus II anno 872, Benedictus VII. anno 981, Iohannes XV anno 989 Corbeienſibus id iuriſ induſerunt, vti diplomata autographa teſtantur, vti abbatem in hoc loco eligendi ſemper habeant potestatem, et eam personam elegant, que propositum conuertationis in monasterio et moribus et habitu profiteatur, non canonicum aut laicum neque alterius monasterii monachum, neque præſcienti uillam personam predilecto monasterio de quoconque ordine, niſi que per electionem probabilem ſignatur. Sed addit auſtor Vitæ Meinwerci l. c. Bilonem, quem episcopus Meinwercus ad tribunal Christi prouocauit, ea ipſa hora, qua obiit Meinwercus, fuſſe mortuum et ſubitanea morte præreptum. Sed, qui Rhinocerotis naſum habere ſibi perſuadent, ea ſic accidisti non credent. Iuſſu Abbatis ſui, priuilegia monasterii tuentiſ, fecit Bilo id, quod debuit. Si quam iniuriam feciſſet Bilo episcopo, ei ad Christi exemplum hic dicendum fuſſet: pater, dimitte illi, nescit,

Nnn n 3

Ab anno  
1001 usq.  
que 1010  
regnante  
Heinri-  
co II.  
et gubernante  
Corbe-  
iam  
Hosede.

*nescit, quid facit.* Non erat eius, illico ad tribunal Dei prouocare, Perhabet auctor Vita Meinwerci p. 544, a variis pro Bisone apud episcopum interposita imploratione lepe et multum esse rogatum, sed ipsum non obtinuisse reconciliationem episcopi, dicentis, *decretum Dei non posse immutari.* Sed rectius egisset, credo, encomias, si hec omnino tacuifset. Ineptus ergo est clamor, si ille ita ampullatus, o *sancta anima,* inquit, o *pura conscientia!* An Deus exaudit peccatores? et nonne Siracides dixit cap. XXVIII. v. 3. *homo ho-  
mini reseruat iram, et a Deo petit medelam, in hominem similem sibi non habet  
misericordiam et de peccatis suis deprecatur.* Inanite ergo ratione haec ad propheticum Meinwerci praeconium applicantur, quippe qui factio ipso violator Corbeiensium priuilegiorum era. Ita potius edixit summus pontifex Benedictus anno 980 in bullatis litteris, iam supra excitat: *Si quis (verba refe-  
ro ex autographo) autem, quod non optamus, nefario ausu presumserit his, que  
a nobis ad laudem dei pro stabilitate iam dicti monasterii statuta sunt, refragari,  
aut in quoquam ea transgredi, sciat se anathematis uinculo innodatum et cum  
diabolo et eius atrocissimis penitatisq. cum iudea traditore domini nostri ihu christi eter-  
nis incendiis et supplicio concremandum deputamus a domino. qui uero pio intui-  
tientis, benedictionis gratiam a misericordissimo domino deo multipliciter  
consequatur et uite eterne particeps effici  
mereatur.*



TRA-